

黔陽縣志卷之三十三

宦蹟

兩漢重親民之官而史傳循吏後世奉為圭臬志猶  
史也邑之建置倣於漢而載名宦則自郭叅軍王少  
伯始魏晉以還夫豈無廉能五代之亂典章散佚名  
湮歿而弗彰良可慨已

國家吏治蒸蒸日上蒞茲土者政簡刑清將與召父杜  
母後先頡頏安得不擗管欣然志宦蹟

唐

黔陽縣志

卷之三十三

宦蹟

龍標藏板

郭翰垂拱中官麟臺郎劉稭之坐拒制使賜死在獄上疏  
自陳命其子執筆占為表子號塞不能書乃自捉筆得  
數紙詞懇哀到人皆傷之翰悵歎其文后惡之貶翰巫  
州司法叅軍翰嘗為御史巡察隴右多所按劾次寧州  
時狄仁傑為刺史民爭言有異政翰就館以紙筆置於  
案謂僚屬曰入其境其政可知願薦使君美於朝毋从  
留即命駕去翰性寬簡讀老子至和其光同其塵慨然  
曰大雅君子以保其身乃辭憲官改麟臺郎云  
唐書劉稭之傳

王昌齡字少伯江寧人第進士補秘書郎又中宏詞遷汜

水尉不護細行貶龍標尉為政以寬因世亂還鄉里為  
刺史閻邱曉所殺張鏞按軍河南兵大集曉最後期將  
戮之辭曰有親乞貸餘命鏞曰王昌齡之親欲與誰養  
曉默然昌齡工詩緒密而思清時人謂王江寧云  
唐書文苑  
傳參舊  
縣志

**宋**

饒敏學字遜之昭武人朱子弟子寶慶元年知黔陽縣以  
學為政因俗行化修縣志廣學宮建寶山書院士子始  
知向學凡有興作民不知勞  
天清一統志  
參舊縣志

黔陽縣志

卷之三

宦蹟

二

龍標藏板

**明**

傅禮江西金谿人舉鄉試洪武中為黔陽典史勤政恤民  
永樂初徵拜御史  
天清一統志

李奎弋陽人永樂中以舉人授黔陽教諭學行夙異秩滿  
陞國子監學錄拜監察御史遷大理寺少卿  
舊縣志

盧璫廣東歸善人舉鄉試宣德中任黔陽教諭勤於教課  
士類懷之  
舊縣志

占初四川人正統中為黔陽主簿清勤任事化服峒獠監  
司考其老疾民不服相率叩闕乃還職  
大清一統志

胡深定遠衛人天順末進士既爭慈懿太后山陵事復與同官陳宏鄭亡何純方昇張進祿上疏請斥奸邪痛詆學士商輅尚書陳信姚夔馬昂帝不納翌日給事中董旻陳鶴胡智亦劾輅帝不悅曰大臣進退有體旻等敢循舊章亂朝議耶輅等乞休帝惟聽昂去夔憤甚連疏求去深旻等復合辭攻而詆夔其力帝怒下深等九人獄先是御史林誠亦嘗劾輅不引病去帝並屬誠吏毛宏等皆論救輅亦請寬之乃各杖二十復其官未幾深坐按陝時杖殺訴寃者謫黔陽丞稍遷鬱林知州卒

明史

### 黔陽縣志

卷之三十三

宦蹟

三

龍標藏板

列傳

陳鋼字望遠應天人

舊志浙江鄞縣人

舉成化元年鄉試授黔陽

知縣楚俗居喪好擊鼓歌舞鋼教以歌古哀詞民俗漸變縣城當沅澗合流數決壞廬舍鋼募人採石甃堤千餘丈水不為害南山崖官道數里徑窄甚行者多墮崖死鋼積薪燒山沃以醯拓徑丈許行者便之鋼病民爭籲神願減已算益鋼壽遷長沙通判監修吉王府第工成王賜之金帛不受請王故殿材修嶽麓書院王許之宏治元年丁母憂歸卒黔陽長沙並

子沂官

侍講 明史循吏傳

吳世溥字宏濟浙江天台人宏治初令黔陽愛民如子百廢具舉撫流移墾田地賑饑築城壇社橋梁學宮悉為修治建鼓樓城隍廟士民翕然向化去之日有去思碑  
沈鍾記 禮名宦 舊縣志

周廣字克之崑山人宏治十八年進士歷知莆田吉水二縣正德中以治最徵授御史疏陳四事中言錢寧濫寵已極寧見疏大怒留之不下傳旨謫廣東懷遠驛丞越二年遷建昌知縣有惠政寧矯旨謫竹寨驛丞官况泊

黔陽縣志 卷之三十三 官蹟 四 龍標藏板

如建聚春樓以寄吟眺洗心亭以遂涵養玩易臺以究經義邑人危嶽危峇輩偕沉靖之士從之遊世宗即位復故官歷右僉都御史巡撫江西拜南京刑部右侍郎廣初以鄉舉入太學師章懋在里閭與魏校友善平生嚴冷無笑容居官公彊弗受請託士類莫不憚之 明史列傳

叅侯加地志

陳大經字伯正南寧人貢於朝嘉靖中令黔陽蒞官嚴肅勤政愛民遷學龍標山為士類所感 舊縣志

汪俸貴谿人嘉靖中由貢生令黔陽才識明敏庭無滯獄

興廢救敝多出俸資政暇進諸生課業一時人才賴以成就當道優嘉之舊縣志

郁周字文盛晉定衛人嘉靖中由貢生令黔陽愷悌愛民嚴威為賊所懾立書院置義倉士民懷之舊縣志

韓冲斗山西夏縣人萬歷中由舉人令黔陽建城垣善政愛民民不忍忘舊縣志

王體道武城人舉鄉試萬歷中知黔陽縣禁民溺男女定民間婚嫁之費聘禮奩貲分上中下三等勒諸石俗為

少變舊縣志

### 黔陽縣志

卷之三十三

官蹟

五

龍標藏板

國朝

周文暉浙江杭州海寧人順治三年進士五年令黔

陽到任甫三月值靖州降鎮陳友龍叛暉率民兵守

禦相持三月餘念切匡濟氣吞強虜西出金橋離城

三十里賊攻不意遂被執不屈死之妻施氏自縊於

署妾王氏亦投井死幼子及賓從被害者八十餘人

乾隆二十四年題准崇祀名宦

塘府志 泰事實 縣卷 康熙五年 張令

扶翼以周文燭采入縣志三十年紳士向文煥等呈請祀名宦于令棟如看云射策於定鼎之日筮仕於恢復之初當遵渚鴻飛著勤勞於撫宇值負嶼虎視天大義以忘身陳友龍覺起伏戎勢若子奇之荼毒

周知縣心其冒死情同許遠之忠貞人口此離全家陷滅趙武之孤何在杞梁之骨未收雖當日之表揚闕焉未舉而斯時之愛戴久而彌新考諸縣志既有紀載之文質諸老成復非影響之說嗣因奉駁殉難事實無憑確查不果行乾隆二十二年奉查陣亡殉難官員柯令支澍轉詳撫憲馮題請看云周文燭浙江進士出宰巖疆受任於開國之初殫忠於求寧之日下車伊始值叛鎮之賜張畧地初行遭賊徒之家突勢屈而志不屈身亾而家亦亾守土衛民數月中艱難百折指生就義八十口顛沛一心忠節久著於邊隅俎豆宜馨于庠序二十四年奉旨准入祀名宦按公死節百餘年始得題請入祠苟非忠肝義胆歷久不磨安知不與草木同腐茲紀國朝名宦首公非獨以年任故亦昭昭大節應推第一人也

黃暉字赤城貴州平壩衛人順治壬辰由貢生令黔陽時經王馬屠戮人相食且盡暉至瘞死骨贖饑民

黔陽縣志

卷之三十三

宦蹟

六

龍標藏板

人多啣感縣無賦者且三年至是民耕計畝而稅得糧八十石在官未久以病去民號泣送之先是會同民梁春昇以事繫獄暉寬之請於上得免及去無資

糧春昇賫百金馳中途以餽暉力却之舊縣志 按 順治七八年

沅靖一帶盜賊縱橫地方多故公之來任府志職官佚其名而舊縣志乃綴在前明職官之末殊不無可疑但據本傳覺賢吏政蹟應置周文燭後故序次之

茹道通北直人順治十五年令黔陽時地方新闢又值歲饑民多有去里者道通收拾凋殘撫綏有方民

始安堵舊縣志

張扶翼號蓉園江南霍邱人由選貢授黔陽縣令以  
康熙初元抵任越五年邑境羅公山峒猺與武岡城  
步諸砦鬪兵不解民震恐扶翼慮猺情悍獷非兵脅  
之不可得而撫也乃請於兵道發鎮兵壓其巢且遣  
人諭以利害猺大懼願就撫扶翼遂單騎深入猺皆  
感泣誓不敢再叛於是給以荒田令佃作免其役大  
吏以扶翼能辦賊旁郡猺事檄之代理所至悉平當  
扶翼之初蒞黔也兵馬自滇凱旋絡繹於道黔民苦  
編協沅水懷化便水諸驛並辰谿防夫之後又船隻

黔陽縣志

卷之三

宦蹟

七

龍標藏板

遇黔邑者有帮拽之役兵之駐沅者孤黔邑穀料至  
八千石草料至二十八萬斤之多民困甚扶翼前後  
以其狀陳於上官皆得請又爲本道陳招徠之議言  
黔民所以岌岌不安者其故有二一在寄庄之害一  
在五年盡墾之限過嚴道是其議又條議清丈之法  
口陳指畫若數着可了人服其才兵燹後城垣學校  
官廨多就殘毀扶翼一一完葺之富於學手纂縣志  
公餘頗多著作在任九年告歸黔人至今思之

郡志事

詳田賦及兵防  
城池各項內

史在鎮浙江會稽人康熙三十二年以永州司馬來攝黔陽縣事至數日周覽城垣病其傾圮出囊中金召工繕之凡三閱月皆飭又以次完葺邑中諸祠廟之載祀典者一時並舉無絲毫累民邑之利病亦實心興行剔除之居數月代者至去之日黔人肖像尸祝至今稱之

郡志並見壇廟

武宏登山西人康熙中令黔陽廟學官廨次第興創人士有遺愛之思

舊縣志

王光電字劍虹浙江德清人雍正中由選貢令黔陽

### 黔陽縣志

卷之三十三

宦蹟

八

龍標藏板

城垣道路多所修治又舉興義學造坐庫邸册人以吏事精勤稱之

郡志

榮大順號健菴長沙人雍正乙卯舉人乾隆丙寅以明通任黔陽教諭性瀟洒博學多文樂接引後輩岸士經其指授多所成就黔學舊僻在西城撫軍檄移城內相地鳩工大順任之事竣而費不侈手植梧槐於庭作銘以勵鼓篋者又闢河西道路行旅稱便尤好施予士之貧者多賴以贍聞母計哀毀成疾卒於縣屬纊時綈袍周身而已黔士賻歛之立石以紀其



德且祀於齋

郡志

張天如浙江會稽人乾隆十六年署黔陽縣事甫下車盡革弊政清慎尤勤至忘寢食治數月政以大和調任長沙父老送者垂涕

纂事實

柳秉謙浙江蘭谿人乾隆十七年任縣事勸課農桑整興學校孜孜無倦十八年旱設法賑饑民多賴以全活十九年夏又不雨步行六十里祈雨金龍山立獲甘霖二十年東門外火朝服拜禱風隨返而火滅

人尤欽異政焉

纂事實

各顯宦政蹟

按宦蹟首錄本邑親民之官而本省大員邑皆其所統治崇報功德姓名既入名宦其政蹟未便從畧故備錄於左

洪承疇湖廣經畧宦蹟未詳

吳 璵湖廣總督宦蹟未詳

彭而述湖廣提學道

查卷康熙五十二年詳請入祀看語有云已故督學道歷任雲

南布政使彭公諱而述者才優經濟學備天人藏器待時識 興朝而佐命達權濟變定叛卒於斯須建學校於干戈擾攘之餘聿新文教施息澤於樽俎折衝之地屢著武功衡岳東西績多奠定大湖南北化

黔陽縣志

卷之三

宦蹟

十

龍標藏板

協菁莪志乘悉載謨猷父老至今歌頌允宜崇祀名宦以光盛典

郭世隆湖廣通志鑲紅旗人原籍山西孝義縣任湖廣

總督捐金收銅以杜私鑄設法平糶以禁商囤革除

鹽政陋規整飭軍政兵無冒糧湖南苗獠作梗輕騎

深入相度形勢移營壘以便守禦有願就撫者許以

自新邊境宴然尋遷兩粵總制

省志

卽永清一統志奉天廣寧人康熙三年任湖南布政司

永寶諸府溪流悍急歲漕為艱力請改折著為令衡

湘以南舊食粵鹽灘險道遠商民交病申請改食淮

鹽至今邦人謳思弗替巡撫趙申喬通檄各屬祀名  
宦祠 省志

丁思孔一統志奉天人康熙二十九年巡撫湖南時逆  
藩始平拊循凋瘵務存寬恤振興文教疏請頒國子  
監校刊經史置嶽麓書院政暇集諸生講論至今書  
院有丁公講堂祀名宦祠 省志

趙申喬一統志武進人康熙四十二年任湖南巡撫  
祖仁皇帝諭以力減重耗盡革私徵有藐法害民者糾參  
從重處分申喬下車大書

黔陽縣志

卷之三

宦蹟

龍標藏板

聖諭勒石建亭檄告屬吏且言澄清端本自巡撫始若稍  
有不法爾等官民即共聲其罪於是屬吏惴恐禁革  
一切私派定頒漕米斗斛官爲收解驛站夫馬工料  
銀於本州縣坐支倒馬銀隨倒隨支又革鹽商規例  
酌府州道里遠近平鹽價運丁按月徵給二耗及行  
月糧先給後報州縣列上貞節有踰月具請者即按  
懲胥吏復請準舊例給建坊銀葺古賢祠奪還侵地  
屬吏進見霽容接之使得盡言利弊惟嫉惡如仇未  
嘗少貸鎮算紅苗未靖諭以威德苗人歸化在任八

年常俸外一介不取簿書填委親自勘決不假手他人擢左都御史民誣思之省城建專祠各屬皆繪像祀之雍正八年

勅祀賢良祠

額倫特一統志滿洲人康熙四十五年任荊州副都統四十八年遷提督紅苗向負固公宣布威德開導多方遂歸化五十二年就擢總督靜鎮寬大湖南北例有藩庫羨餘供制府公乃盡發州縣衛所買穀備賑造巡船百艘以資緝捕修孔道橋梁凡所興舉民利

黔陽縣志

卷之三

宦蹟

十二

龍標藏板

賴焉祀名宦

李發甲字瀛仙雲南河陽舉人由司鐸歷官臺省疏請澄清吏治加惠窮黎貸山東牛種廣雲貴兩廣會試中額累遷福建布政使修文廟興義學造河梁飭扣剋禁差役掩枯骸矜貧施藥却琉球餽例苞苴盡絕康熙五十五年巡撫湖南始下車值大雨積旬湘水驟漲借帑銀以賑乏絕發倉穀以平市價釐奸剔蠹吏治肅然念洞庭重湖之險士子艱於鄉試每有性命之虞兩疏懇請分闈捐俸創立貢院旣不果行乃

改爲湖湘書院遴諸生肄業其中迨雍正癸卯分闈  
命甫下而貢院已有成規事得遂行以勞瘁卒於官湖南

士民感其德請祀名宦

省城有專祠

楊宗仁一統志奉天人雍正元年任湖廣總督廉潔勤  
敏鹽商舊規數萬金及諸饋遺悉屏絕每春輕騎出  
郊勸農捐俸備賞以示獎勵諄諄教以孝弟忠信瀕  
水隄防歲時巡行修築年獲屢豐鄰境偶有饑民入  
楚先賑以糜粥繼即按名散給寒予衣歸給糧咸獲  
安全去尤加意武備各屬武弁考核精覈標兵按期

黔陽縣志

卷之三

官蹟

十三

龍標藏板

校習賞罰公明士卒競奮疾革前數日猶閱兵不稍  
怠以勞卒官贈少保諡清端世襲騎都尉民立祠祀  
之雍正十年

勅祀賢良祠